

E persona tras di e nomber

Alumnonan Clarisse y Jesra di Colegio Conrado Coronel klas 3A a manda nos un articulo cu a sali den nan buki di scol. Ta trata aki di e bida di e persona tras di e nomber di nan scol, Conrado Coronel...

Bo tambe tin un storia, opstel of spreekbeurt? Manda esaki riba un floppy pa CHABALITO, Pasteurstraat # 3, Oranjestad, y nos lo publica esaki si lugar ta permiti. Lo ta leuk pa manda un potret di bo pa pone hunto cu e articulo.

Señor Conrado van Thijs Coronel a nace na 1907 y a bai sosega na e edad venerá di 84 aña, dia 23 di juli 1991. E tabata alumno di Dominicus College na Corsouw. Despues di a sigui su estudio pa maestro na St. Thomas College na Corsouw, unda el a pasa su examen y a ricibi su titulo di "onderwijzer", el a bolbe Aruba.

Di aña 1920 te 1966, 40 aña largo el a dedicá na educashon di hubentud na Aruba. Prome cu fraternan di Tilburg y despues cu Frèrenan de la Salle. Como educador e tabata un persona sumamente dedicá na su tarea y tanto cu e tabata por e tabata yuda pa prepara e hobennan pa nan futuro, tambe despues di oranan di skol na su cas na Socotoro.

Riba tereno social, silenciosamente e tabata conseha y yuda tur esnan cu tabata acudí serca dje. S.M. La Reina a otorg'é pa su trabaonan meritorio: Drager van de Gouden Eremedaille in de Orde Van Oranje Nassau.

Den seno familiar e tabata desplegá na un manera ehemplar su tarea como tata y esposo. Su matrimonio cu Sra. Angelica Briet a ser

bendicioná cu un yiu muhe "Jossy". Despues di 62 aña di bida matrimonial Señor Coronel ta fayece.

Durante su bida el a duna su aporte pa asina prepara yiunan di su pueblo intelectualmente y na un manera sano.

Otro luna nos ta recordá Señor Conrado van Thijs Coronel su di 12 aniversario di fayecimento. Esaki tabata un yiu di pueblo cu a dedicá su bida na nos hubentud.



Muchanan!

Awor riba mercado...

BARNEY CU PIEREWIETJE

... y no lubida nos **SHOW!**
Dianan: 4-5-6 di Juli 2003
na Cas di Cultura!

Busca esun di bo
pa solamente

Af. 25,-



Chabalito

Number 10 - Año V - Afl. 2,=



5 años